

Tuipui COVID-19: Popolega Masani ma Mea Moni

UA OU POPOLE...

E aumai e le tuipui le COVID-19 ia te a'u.



E le mafai ona maua oe i le COVID-19 ona o le tuipui.

E le maua i le tuipui COVID-19 le vairusi e mafua ai le COVID-19.

UA OU POPOLE...

E lē saogalemu ma lē aoga tuipui.



E saogalemu ma aoga tuipui COVID-19.

Na faata'ita'i tui puipui i le faitau sefulu afe o tagata i faataitaiga faafomai. Ua latou ausia alafua faasaienisi mamafa a le FDA mo le saogalemu, aoga, ma gaosia le ituaiga lelei e manaomia mo le faatagaina e faaoga i faalavelave faafuase'i. Na iloa ai e lelei tele o le tui puipui i le puipui o tagata mai le mama'i i le KOVITI-19.

UA OU POPOLE...

E maua i le tuipui Johnson & Johnson tisu o pepe afuafua.



E lē maua i le tuipui Johnson & Johnson ni vaega o pepe afuafua poo ni sela o pepe afuafua.

Na faaogaina tekonolosi e fausia ai le tuipui e pei ona faaogaina i isi ituaiga tuipui e tele. E tasi le vaega o le tuipui na fausia i kopi o sela na fofoa i fale su'etoto na aumai i filifiliga o tama fafano i le 35 tausaga ua tuana'i. Talu mai lea taimi, na teuina i le fale su'etoto 'afu'afu o sela ua faaoga nei i tuipui. E le'i toe faaogaina nisi sela o tama fafano e fausia ai tuipui nei. Atonu o se faamatalaga fou lenei mo nisi tagata. Aepeita'i, o tuipui mo tanesusu, rupela, ma le atefefete A, e fausia uma i le ala e tasi.

UA OU POPOLE...

E lē fanau pe lē toe malosi e faiusuga i le tuipui COVID-19.



E le fela'aia'i tuipui ma ou totoga fanau.

Matou te malamalama i ou popolega i lou soifua maloloina tau fanau tama. O tulaga nei ua matou iloa: e leai se faamaoniga faasaienisi e tupu se le fanau pe le toe mafai ona faiusuga i tuipui. A ulufale le tuipui i lou tino, e galulue ma lou malosi tetee faamai e fausia sela faasagatau e tetee le vairusi korona. E le faalavelave lea faagasologa i ou tōtoga fanau.

UA OU POPOLE...

Ou te lē mana'omia le tuipuipei pe afai ua maua a'u i le COVID-19.



E te mana'omia lava le tuipuipei pe afai ua uma ona maua oe i le COVID-19.

Ua iloa i faamaumauga e le masani ona toe inifeti i le COVID-19 i le 90 aso talu ona e inifeti. O lona uiga atonu ua iai sou puipuiga mai le COVID-19 (e ta'u o le tetee faamai faanatura) mo sina taimi. Aepeita'i, tatou te lē iloa le umi o le tetee faamai faanatura.

UA OU POPOLE...

E iai ni vaega ninii i tuipuipei e mulimulita'i ai tagata.



E le iai i tuipuipei ni vaega ninii poo ni mea faigaluega.

Na'o vaega ola e fesoasoani i lou tino e fausia sela faasagatau e tetee i le COVID-19, ma ga'o, masima, suka.

UA OU POPOLE...

E lē saogalemu tuipuipei mo tagata o loo ma'itaga poo faasusu tamaiti.



Ua fautuaina e foma'i o le ma'itaga ma le fanau mai i tagata o loo ma'itaga, faasusu pepe, poo fuafua e ma'itaga e mafai ona filifili e faia tuipuipei o le KOVITI-19.

O loo faailoa mai e faamaumauga o le KOVITI-19 e saogalemu ma aoga tuipuipei a'o ma'itaga. Ae o le mea moni, o loo faailoa mai o nisi suesuega e mafai ona pasi ane e matua ua uma ona faia tuipuipei polotini e puipua le tino mai le KOVITI-19 ia a latou pepe e ala i le ma'itaga ma le faasusu pepe. O tagata o loo ma'itaga e pito sili ona lamatia mo le faama'i matuia mai le KOVITI-19, e aofia ai le oti. O tuipuipei o le puipuiga sili lea.

UA OU POPOLE...

E sui e le tuipuipei COVID-19 lo'u DNA.



E le sui ape aafia ou DNA i tuipuipei o le COVID-19.

O tuipuipei uma ua iai nei e faaooina faatonuga i o tatou sela e amata fausia le puipuiga mai le vairusi e maua ai le COVID-19. E le ulufale le tuipuipei i vaega o le sela e teu ai le DNA. E galulue tuipuipei faatasi ma puipuiga faanatura o lou tino e fausia lou malosia e tetee ma'i.

UA OU POPOLE...

E to'a lo'u toto pe a tuipuipei a'u.



E maulalo tele le avanoa e lamatia ai i se to'a o le toto.

O se faataitaiga, e sili atu ona tele le avanoa e te maua ai se alualu toto e mafua mai i fualaau aiga fuafuaina lea e faaoga e le faitau miliona o tamaitai i aso uma. Peitai, o le Washington State Department of Health (DOH, Matagaluega o le Soifua Maloloina a le Setete o Uosigitone) o loo fautuaina oe ina ia faia se tui puipui mRNA mo le KOVITI-19 (Pfizer-BioNTech po o le Moderna) ae le o le tui puipui o le Johnson & Johnson (J&J) ona o le avanoa mo tulaga lamatia e mafua mai i lea lava tui.

O le tui puipui o le J&J o loo maua pea pe afai e le mafai ona e maua po o ua e le naunau ia faia se tui puipui mRNA. Faatalanoaina se auunaga tausi soifua maloloina e faatatau i avanoa mo tulaga lamatia e patino i lou lava tagata.